

Suliffeqarfiup imminut pigisup
”Maniitsumi Efterskoli”-p
malittarisassai

§1

Angerlarsimaffia, siunertaa pingaartitatigullu tunngavii.

- 1.1. Atuarfiup taaguutigaa ”Maniitsumi Efterskoli”, tassaallunilu ilinniarfik imminut pigisoq.
- 1.2. Atuarfik pilersinneqarpoq 2010-mi novemberimi, Qeqqata kommuniani angerlarsimaffeqarluni. Atuarfik atuartunut 70-inut inissaqarpoq.
- 1.3. Atuarfiup siunertaraa efterskolimi atuarnermik ataatsimooqatigiinnermillu neqeroornissaq, pingaarnertut anguniarlugu inuuneq pillugu paasissutissiinissaq, inuttut ilisimasariaqartunik paasissutissiinissaq demokraatiskiusumillu peroriartortitsinissaq.

- **Inuuneq pillugu paasissutissiineq:** Oqariaatsip ”inuuneq pillugu paasissutissiinerup” imarivai apeqqutit tamatigoortut aamma nalinginnaasumik inuit akornanni atuuttut. Oqariaatsip inuunermi apeqqutit pingaarutillit akissutissarsinissaat ujartorpaa. ”Maniitsumi Efterskoli”-mi pingaartinneqarpoq ilinniarfitsinerup tamarmi isumaliutiginninnissamut eqqarsarnissamullu inissaqartitsinissaa. Ulluinnarni atuartitsissutini ingerlassanilu ataasiakkaani atuarfiup taama pingaartitsinera salliutitsineralu eqqaamaneqassaaq.

- **Inuttut ilisimasariaqartunik paasissutissiineq:** Oqariaatsip ”Inuttut ilisimasariaqartunik paasissutissiinerup” siunertaraa Maniitsumi Efterskolimi atuartut tassaalissasut pisussaaffeqarfiusumik ataatsimooqatigiinnermut peqataasut ilisimasaqartut sunniuteqarluartullu. Siunertaavoq kulturikkut paasinninnerup inuttullu imminut naleqartinnerup ulluinnarisamut ilaatinneqarnissaat, tassuunakkut atuartut ataasiakkaat inuttut inerikkiartornissaat nalinginnaasumillu peroriartornissaat tunngavissinneqaaqqullugu. Atuarfiup siunertaraa Kalaallit Nunaata kulturikkut kingornussai, oqaluttuarisaanera pinngortitarlu pillugit ilisimasanik, pisinnaasanik piginnaasanillu ingerlatitseqqiinissaq atuartitsinikkut aamma atuarfiup ulluinnarisaatigut allatigullu ingerlassaasigut.

Maniitsumi Efterskolimi ilinniarfitsisut atuartitsineq, ilinniarfitsisutut attaveqaataasutut sulineq nakkutilliinerlu aqqutigalugit pisussaaffigaat –atuartut peqatigalugit– ataatsimooqatigiinnerup tamatumalu efterskolimut pingaaruteqarluinnarnerata oqallisigiuarinissaa. Illuatungeriilluni oqaloqatigiinneq aamma naleqqatigiilluni oqaloqatigiinneq aqqutigalugit atuartut ataasiakkaat namminneq ilikkariartornerminnut akisussaalerlutik ineriartornissamut ataatsimooqatigiinnermillu inerisaaqataanissamut inissaqartinnissaat pilersinneqassaaq.

Ulluinnarni atuartitsissutini ingerlassanilu ataasiakkaani atuarfiup taama pingaartitsinera salliutitsineralu tappiffineqassaaq.

- **Demokratiskiusumik peroriartortitsineq:** Oqariaatsip ersersippaa ingerlatsinermik demokratiimut sammisumik ataavartitsinissamik inerisaanissamillu suliaasaqarneq.

Atuarfiup pingaartitatigut tunngaviini ersippoq:

Maniitsumi Efterskolimi taamaalilluta inuiaqatigiinni innuttaalluuartussanik ilinniarfitsiumavugut, demokratiimik pimoorussisunik, aamma inuiaqatigiinni kalaallini nunarsuarmi oqatigiillu akornanni paasinnillutik inooqataasussanik.

Demokratiskiusumik peroriartormik qitiutitsineq tamanna atuarfiup ulluinnarisaani er-sissaaq, ataqqinninneq, naalaarumassuseq nalinginnaasumillu peqataaneq pingaartinne-qarlutik.

Taamaalilluni atuarfiup siunertaraa atuartut atuarfik qimattassagaat demokratiimut peqa-taajumassuseqarlutik aamma innuttaaqataallutik akisussaassuseqartut, nunarsuarmioqati-giit akornanni sammivissisinnaasut.

Ulluinnarni atuartitsissutini ingerlassanilu ataasiakkaani atuarfiup taama pingaartitsinera salliutitsineralu tappiffigineqassaaq.

1.4. Atuartitsineq sallerpaatillugu neqeroorutigineqassaaq kalaallinut inuusuttunut, meeqqat atuarfianni inaarutaasumik misilitsinnernik naammassinnissimasunut.

1.5. Atuarfiup pingaartitatigut tunngavii:
”Maniitsumi Efterskolimi siunertaavoq kalaallit inuusuttaannik inerikkiartortitsinissaaq, atuartut ataasiakkaat ilinniagassatigut inuttullu inuunermi pingaarutilinnik pitsaasu-nillu toqqaasinnaangorlugit. Efterskolip pisussaaffiliisumik ataatsimoorfiunera ilinniartitsinermi qitiusumik pingaaruteqarpoq, atuarfiullu tunngavigaa ataatsimooqatigiinner-mut imminullu akisussaassuseqarnermik paasinninnissaaq. Taamaalilluni Maniitsumi Efterskolimi inuiaqatigiinni innuttaalluartussanik ilinniartitsiniarpugut, demokratiimik pimoorussisunik aamma inuiaqatigiinni kalaallini nunarsuarmioqatigiillu akornanni paasinnillutik inooqataasussanik. Atuartunik aqutissiuussineq pingaartinneqassaaq, atuartullu ataasiakkaat efterskolip kingorna ilinniagaqalernissaat qitiutinneqassalluni.”

§2

Atuarfiup ingerlannera.

2.1. Atuarfiup ingerlannera atuarfimmu attuumassutilinnit allanillu nammineq piumassu-tsikkut aningaasaliisarnikkut, atuartut akiliuteqartarnerisigut pisortanillu tapiissutitigut aningaasalersorneqassaaq.

2.2. Namminersorlutik Oqartussat illuutinik piginnittuupput.

2.3. ”Maniitsumi Efterskoli” pilersinneqarnermini 0 kr nalinganut pigisaqarpoq, nammineri-samillu aningaasaatai tassaallutik 0 kr.

2.4. Atuarfiup aningaasaataasa taamaallaat atuarfiup atuarfittut atuartitsinermillu ingerlatsine-ra iluaqusissavaat.

2.5. Atuarfiup ingerlatsineranit sinneqartoorutit atuarfiup pisassarai, naammaginartumillu annertussusilimmik amigartooruteqarnaveersaarnermut atuarfiullu iluaqutissaanut atorne-qassapput, soorlu atuartitsinermi atortut pitsanngorsarnerinut, sanaartukkanut assigisaan-nullu.

2.6. Aningaasat tigoriaannaat atuarfiup ingerlanneranut atorneqanngitsut ima atorneqassap-put:

1. Kalaallit danskilluunniit aningaasaateqarfianni uninngatitatut.

2. Aningaasaateqarfinni pigisatut, taakku danskit realkreditinstitutiinit, kreditforeninginit, Danmarkimi Kalaallit Nunaanniluunniit kommuninit imaluunniit aningaasaliisarfinit al-lanit danskiusunit pisortanit nakkutigineqartunit pilersinneqarsimappata.

3. Aningaasaateqarfinni pigisatut imaluunniit akiitsunut uppersaatit, taakku Dansk Naalagaaffiannit, Namminersorlutik Oqartussanit imaluunniit Danmarkimi Kalaallit Nunaanniluunniit kommunimit pilersinneqarsimappata imaluunniit qularnaveeqqusigaappata.

§3

Atuarfimmur attuumassutillit.

- 3.1. Atuarfimmur attuumassutillit tassaapput inuit inersimasut atuarfimmur attuumassuteqartut misigisimasut, atuarfiullu ingerlanneranut inersarneranullu peqataanissaminnut piimassuseqartut.
- 3.2. Atuarfimmur attuumassutillinnut ilaasortaasut ukiumoortumik akiliuteqartarput, ukiut tamaasa ataatsimeersuarnermi aalajangersarneqartumik. Akiliutaasartussa q siulleq siulersuisuugallartunit aalajangerneqassaaq.
- 3.3. Atuarfimmur attuumassuteqartut (ataatsimeersuarneq) atuarfiup siulersuisui peqatigalugit tassaapput atuarfimmur qullersaallutik oqartussaasut. Atuarfimmur attuumassuteqartut nalinginnaasumik immikkulluunniit ittumik ataatsimeersuarnerit aqutigalugit sunniuteqartarput.
- 3.4. Atuarfimmur attuumassuteqartut ataatsimoorlutik ataasiakkaarlutilluunniit atuarfiup akiiisuinut akisussaatinneqarsinnaanngillat.
- 3.5. Atuarfimmur attuumassuteqartunut ilaasortaaneq ataatsimeersuarnermut peqataasinnaatitsivoq, taaseqataasinnaatitsillunilu. Piumasaavoq ataatsimeersuarmissaq sioqqullugu qaammat ataaseq ilaasortaasimanissaq, aamma ukiumut akiliutip akilerneqarsimanissaa.

§ 4

Ataatsimeersuarneq.

- 4.1. Ataatsimeersuarnermut ilaapput atuarfimmur attuumassuteqartut ilaasortat.
- 4.2. Atuarfiup forständeria suleqataasullu allat kiisalu atuarfiup siulersuisui ataatsimeersuarnermut peqataasinnaapput - taaseqataasinnaatitaanatilli.
- 4.3. Ataatsimeersuarnermi malittarisassat allanngortinnissat akuersissutigineqartarpoq, tak. § 11 aamma atuarfiup atorunnaarsinnissaa aalajangiunneqassaaq, tak. § 12.
- 4.4. Ukiut tamaasa majip naanerani nalinginnaasumik ataatsimeersuartoqartassaaq. Siulersuisut ullunik 14-inik sioqqutsillutik allakkatigut atuarfimmur attuumassuteqartunik ataatsimiigiqqusisassapput, minnerpaamillu makku oqallisissarissallugit:
 1. Aqutsisussamik toqqaaneq.
 2. Forständerip nalunaarutaa.
 3. Siulersuisut nalunaarutaat.
 4. Naatsorsuutit akuerisat siulersuisunillu oqaaseqaasikkat akuerinerat.
 5. Atuarfimmur attuumassuteqartut ukiumoortumik akiliutissaasa aalajangiunnera.
 6. Siunnersuutit tiguneqarsimasut.
 7. Siulersuisunut ilaasortanik sinniisussanillu qinersineq.
 8. Kukkuersiuisussamik qinersineq.

9. Tamalaat.

- 4.5. Siunnersuutit ataatsimeersuarnermi oqallisigitinneqarumasut ukiumi tassani februarip naanerani siulersuisuneeriissapput.
- 4.6. Immikkut ittumik ataatsimeersuortoqassaaq, siulersuisunut ilaasortat minnerpaamik pingasut atuarfimmulluunniit attuumassutillit ilaasortaasut minnerpaamik 20%-iisa tamanna kissaatigippassuk.
- 4.7. Ataatsimiinnermik aqutsisup ataatsimeersuarnermi toqqarneqartup ataatsimeersuarnerup ingerlannissaa pillugu apeqqutit tamaasa aalajangiiffigissavai, tamatumunnga ilanngullugit taasinissat qanoq ingerlannissaat aamma taasinerit atuuttuunerat siunnersuutillu saq-qummiunneqartut suliarinerisa inatsisit malillugit pisimanerat.
- 4.8. Taasinermi naligiittoqartillugu siulersuisuni siulittaasup taasinera aalajangiisuusaaq.

§ 5 Siulersuisut.

- 5.1. Siulersuisut atuarfimmut attuumassuteqartut peqatigalugit tassaapput atuarfimmi qullersaallutik oqartussaasut, inuttaralugillu inuit § 5, imm. 2-mi allassimasutut toqqarneqartut. - Siulersuisut 6-inik inuttaqarput, taakkunanga 5 nalinginnaasumik ataatsimeersuarnermi qinigaasarput, 1 efterskolimi sulisut akornannit qinerneqassaaq.
- 5.2. Siulittaasoq ilaasortallu sinneri ukiuni 2-ni atuuttussatut qinerneqassapput. Qinigaaqqittoqarsinnaavoq aamma qinigassanngorteqqittoqarsinnaavoq.
- 5.3. Siulersuisunut ilaasortat kingoraartissaannik 2-nik toqqaasoqassaaq. Qinersineq kingoraartissanillu toqqaaneq nalinginnaasumik ataatsimeersuarnermi pisassapput.
- 5.4. Nalinginnaasumik ataatsimeersuareernerup kinguninngua siulersuisut nutaat katersuutisapput inissitsiterlutillu, siulittaasumik tullissaanillu toqqaallutik.
- 5.5. Efterskolit pillugit inatsimmi § 5, imm. 1 naapertorlugu ilaasortaanissamut piunasaqaatit ilaasortap eqqutissinnaajunnaarunigit siulersuisunit tunuassaaq. Taama pisoqarpat ilaasortassamik nutaamik piffissap qinigaaffiup sinnerani atuuttussamik, tak. § 4, piaarnerpaamik toqqaasoqassaaq.

§ 6 Siulersuisut suliassaat akisussaaffiilu.

- 6.1. Siulersuisut qullersaallutik atuarfimmik aqutsisuupput, tamatumunnga ilanngullugu atuarfiup aningaasaqarnerata akisussaaffiginerata.
- 6.2. Siulersuisut atuarfiup forstanderia atorfinitsillugulu soraarsittarpaat.
- 6.3. Siulersuisut pigisat aalaakkaasut pisiarinissaat, tuninissaat qularnaveeqqusiunnissaallu aalajangiiffigisarpaat.
- 6.4. Siulersuisut atuartut akiliutissaat aalajangissavaat.

- 6.5. Siulersuisut atuarfiup pingaarnersiulluni pikkorissaanernik ingerlatsinissamut pilersaarutaa aamma pikkorissaanernit ataasiakkaat ilinniartitsissutiginnissaannut pilersaarutit akuersissutigisassavaat.
- 6.6. Siulersuisut ingerlatsinermut naatsorsuutit killiffimmillu nalunaarsuutit eqqortumik suliarineqarnissaat akisussaaffigaat.
- 6.7. Siulersuisut pingaartitatigut tunngaviit aallaavigalugit atuarfiup ingerlatsineranik ukiumoortumik naliliinissamut pilersaarutit akuersissutigisassavaat.
- 6.8. Siulersuisut atuarfiup isertitassaatur aningaasartuutissatullu ukiumoortumik missingersuusialu suliarisassavaat, pisussaaffigalugulu ukiumoortumik pilersaarutit ingerlanerani missingersuusialu maleruarneqarnerata malinnaffigeqqissaarnissaa.
- 6.9. Siulersuisut ilinniartitaanermut Naalakkersuisoqarfik atuarfiup atorunnaarsinneqarneranik kalerrissavaat.

§7

Siulersuisut sulinerat.

- 7.1. Siulersuisut ataatsimiissapput siulittaasup imaluunniit ilaasortat marluk tamanna pisariartartippassuk, taamaattorli minnerpaamik ukiumut pingasoriartutik, taakkununga ilaallutik inissitsiterluni ataatsimiinneq ataaseq, naatsorsuutit pillugit ataatsimiinneq ataaseq aamma ilinniartitsinermut pilersaarutit naliliinerullu akuernissaannut atatillugu ataatsimiinneq ataaseq.
- 7.2. Siulersuisunut siulittaasooq, taannalu pisinnaatinnagu tullia, siulersuisunik ataatsimiigialu qusisassaaq, tassungalu atatillugu ilanngullugit oqaluuserisassat nassiuttassallugit oqaluserisassatut siunnersuutit taakkunungalu ilanngussanik ilaqartut.
- 7.3. Siulersuisut aalajangiisinnaatitaapput siulersuisunut ilaasortat minnerpaamik 3/5-ii najuuppata.
- 7.4. Siulersuisut aalajangiisarput nalinginnaasumik amerlanerussuteqarneq naapertorlugu. Taasinermi naligiittoqartillugu siulittaasup taasinera aalajangiisuussaaq.
- 7.5. Siulersuisut suleriaasissaanni siulersuisut suliaasaat erseqqinnerusumik aalajangersaaffigineqassapput.
- 7.6. Siulersuisunut ilaasortaqaq suliamut attuumavallaartutut isigineqassaaq, suliamut tunngatilugu nammineq qanigisaaluunniit aningaasatigut imaluunniit inuttut immikkut soqutigisartartillugit. Suliamut attuumavallaartoqartillugu allattaavinni ersissaaq, pineqartoq oqalinninnernit taasinernillu tunuarsimasooq.

§ 8

Atuarfiup ulluinnarni aqunneqarnera.

- 8.1. Ulluinnarni aqutsineq forständerimit isumagineqassaaq, taannalu aammattaaq perorsaanikkut akisussaasuvoq.

- 8.2. Forstanderip ullut 14-it sinnerlugit peqanngiffiini taartissaanik ikkussigallartoqassaaq. Tamanna pissaaq pineqartup iluani malittarisassat atuuttut naapertorlugit.
- 8.3. Forstanderi atuarfiup ulluinnarni aqunneqarnerata iluani taartaasussamik inatsisitigut pissaaqqeqartussatut pisinnaatitsisinnaavoq.
- 8.4. Forstanderi ilinniartitsisunik sulisunillu allanik atorfinitsitsillunilu soraarsitsisarpoq.

§9

Naatsorsuutit kukkunersiuinerlu.

- 9.1. Suliffeqarfiup naatsorsuuserineq pillugu malittarisassat Namminersorlutik Oqartussanut qaqugukkulluunniit atuuttut maleruassavai, tak. Namminersornerullutik Oqartussat naatsorsuuseriveqarnerat il. il. pillugit nalunaarut nr. 8, 27. februar 1995-imeersoq.
- 9.2. Atuarfiup ukioq naatsorsuuserivia tassaavoq 1. januarimiit 31. decemberimut.
- 9.3. Kukkunersiuineq ukiut tamaasa 1. september nallertinnagu naammassineqassaaq, tamatumalu kingorna naatsorsuutit kukkunersiuukkat, kukkunersiuinermi nalunaarusianik ilaqartut siulersuit siulittaasuannut nassiunneqassallutik.
- 9.4. Naatsorsuutit kukkunersiusumit naalagaaffimmit akuerisaasumit kukkunersiorneqassapput.

§10

Atsiorsinnaatitaaneq.

- 10.1. Suliffeqarfik sinnerlugu atsiorsinnaatitaapput siulersuisuni siulittaasoq siulersuisuni ilaasortamik allamik aappaqarluni imaluunniit siulersuisuni siulittaasup tullia siulersuisuni ilaasortamik allanik marlunnik ilaqarluni.
- 10.2. Pigisanik aalaakkaasunik pisinermi, tunisinermi qularnaveeqqusiussinermiluunniit piumasavoq siulersuisuni ilaasortat amerlanerussuteqartut, taakkununga ilaalluni siulittaasoq, atsiussasut.

§11

Malittarisassat allanngortinnerat.


- 11.1. Malittarisassani aalajangersaanerit taakkunanilu allannguutit Naalackersuisunit akuerineqassapput
- 11.2. Malittarisassat allanngortinnissaannut piumasavoq, minnerpaamik taasisut 2/3-iisa allannguutissaq akuerissagaat.
- 11.3. Malittarisassat siunertatut alaajangersagaannik allannguinnissamut piumasavoq ataatsimeersuarnerni tulleriinni marlunni –minnerpaamik ullunik 14-inik akunneqartuni– tamanna akuerineqassasoq. Ataatsimeersuarnerni tamani amerlanerussuteqarnissamik piumasaaqatit § 11, imm. 2-miittut eqquutinneqassapput.

§12
Atorunnaarsitsineq.

- 12.1. Atuarfiup atorunnaarsinnissaa pillugu aalajangiinerit pissapput malittarisassat siunertaa-
sa allanngortinnissaat pillugit aalajangersakkat malillugit, taamaattorli minnerpaamik siu-
lersuisunut ilaasortat $\frac{3}{4}$ -ii najuutissapput, minnerpaamillu siulersuisunut ilaasortat $\frac{3}{4}$ -ii si-
unnersuut isumaqatigalugu taasisariaqarlutik
- 12.2. Atuarfik, siunertami aalajangersakkat naapertorlugit atuarfittut ingerlatsiunnaaruni, ato-
runnaarsineqassaaq.
- 12.3. Atuarfik atorunnaarsineqarpat, siulersuisut atuuttut atuukkallassapput aningaasatigut pi-
gisat akiitsullu naatsorsornerisa naammassinissaata tungaanut.
- 12.4. Aningaasat sinneruttoorutaasut siunertanut atuarfittut tunngasunut, Kalaallit Nunaanni
efterskolit atuarfiillu imminnut pigisut pillugit malittarisassat atuuttut naapertorlugit ta-
piiffigineqartunut atorneqassapput.
- 12.5. Siulersuisut ataatsimiinneranni oqaluuserisassanut malittarisassat allanngortinnissaat ima-
luunniit atuarfiup atorunnaarsinnissaa pillugu aalajangersakkamik ilanngussisoqarsimap-
pat, oqaluuserisassat siulersuisuni ilaasortanut nassiuinneri ilutigalugit Naalakkersuisunut
nassiunneqassapput.
- 12.6. Siulersuisut suliffeqarfiup pigisaasa ataavartinnissaat aamma aningaasatigut naatsorsuine-
rup malittarisassat naapertorlugit pinissaa, ilanngaattissallu ilanngaatigereerlugit pigisat
nalillit § 12, imm. 4-mi aalajangersakkat naapertorlugit atorneqarnissaat akisussaaffigaat.

Ataatsimeersuarnermi akuersissutigineqarput ulloq: 20/7-16


siulersuisut atsiorneri:


John Biilmann
Siulittaasoq


Teera Grønvol
Siulersuisuni ilaasortaq


Sara H. Rosing
Siulersuisuni ilaasortaq


Paninguaq Heilmann
Siulittaasup tullia


Gedion Lyberth
Siulersuisuni ilaasortaq


Henriette Gideonsen
Sulisut sinnisaat

Naalakkersuisunit akuersissutigineqarput ulloq: _____

Ilinniartitaanermut Naalakkersuisup Naalakkersuisut sinnerlugit atsiussavaa

Ilinniartitaanermut kultureqarnermullu naalakkersuisoq